



卷十

王象子貢錄

清尊錄

金華子雜編

意林一百十種

燈下閒談

卷十二

悅生隨抄上

說

鄭

錄五身

唐

鄭

氏

為江外官者維舟江渚群偷奄至即以所有金

幣羅列岸上而恣賊一不犯日但得待御小娘子足矣其女有

美色賊潛知之矣骨肉相顧不知所以答女欣然請行其賊即

具小舟載之而去謂賊曰君雖為偷得無所居與親屬焉然吾

衣冠既為汝妻豈以無禮見逼若達汝所止一會親族以托好

速足矣賊曰諾又指所偕二婢曰公既以偷為名此婢不當有

為君計不若歸吾家賊以貌美其言且順顧已無不可者即自

鼓其棹載二婢而去女於是赴江而死

沈洵之節使山北爲奴歸秦所害是日家宴旣歡且歌其詞即
莫打南來雁从它向北飛行時雙打取莫遣兩分離其夕妻亦
遇害詞方驗云

崔公鉉之在淮南嘗俾樂工習其家僮以諸戲一日其樂工告
以成就且請試焉鉉命閱於堂下與妻李氏坐觀之僮以李氏
妬忌即以數僮衣婦人衣曰妻曰妾列於傍側一僮則執簡來
帶旋辟唯諾其間張樂命酒笑語不能無屬意者李氏未知悟
也久之戲愈甚悉類李氏平昔所嘗爲李氏雖少悟以其戲偶
合私會不敢而能且觀之僮志在於發悞愈益戲之李果怒罵
之曰奴敢無禮吾何嘗如此僮指之且出曰咄咄赤眼作而自

眼諱乎鉉大咲幾至絕倒唐明之年號識者以爲黃巢日月明
年兩京役焉議者^尤之初製巾首輒先折木爲謨所謂其楨者
先是數年内官竟新其樣命工人斫爲之中尉者輒兩呼曰斫
兩中尉頭樞密使亦曰呼斫兩長官頭它皆類此又京城小兒
十數爲群折蒿剪楮率成槍旆各各相向如臨陣敵至是悉驗
云

令狐絢父楚鎮東平絢侍以赴任嘗送親友郊外逆旅中有父
老焉似不知其令狐公也時方久旱絢因問民間疾苦父老即
陳以旱歉盜賊且起復曰而今却是風不鳴條雨不破塊時也
絢以其言前後相反詰之父老答曰自某月不雨至於是月得

非不破塊乎賦稅征迫敗妻粥子不給繼以桑柘非不鳴條乎
綯即命馬掩耳而去

劉蕡相國揚公嗣復之門生也對策以直言忤時中官尤所嫉
妬怒中尉仇士良謂揚公曰柰何以國家科第放此風漢及第
耶揚公既惧即答曰嗣復昔與蕡及第時猶未風耳

金華子雜編 三身

唐劉崇遠

字太理司
直河南人

高祖太宗之興也華隋之失民定天下賦租務從優減稅納逾
數皆以枉法兵興之後因亂政經天下搔擾盜賊荐起六合爰
業世無完城復以失民之致哉乾符中所在猶皆平寧故老童
孺多未識兵器州郡間或忽有遺火沿燒不數舍而士庶驚撓

奔迫狂駭逾時不息惋嘆之音謂極於罹毒也不數年後大浸
滔天九有無復息有遺賊反覆偷安兵革則向來之荼苦猶甘
薺焉

李景讓尚書少孤貧等夫人其氏性嚴重明斷近代貴侯母氏之賢
無及之也孀居東維諸子尚幼家本清素日用尤乏嘗值霖雨
且久其宅院內古墻夜塌墮堪僮僕修築次忽見一船槽櫂實以散
錢僮僕等當困窶之際喜其有獲相率奔告於堂前夫人聞之
誠僮僕曰切未得輒取候吾來視之而發後既到命取酒酌之
曰吾聞不勤而獲祿猶身為災士君子所慎者非冀之得也我
何堪焉若天實以先君餘慶憫及未亡人當令此諸孤學問成

立、它日爲俸錢賚吾門、此未敢覲、乃令函掩如故、其後諸子景讓景溫景莊皆進士擢第、並有重名、至位方岳、讓最剛正、奏彈無所避、爲御史大夫宰相、宅有看街樓子、皆封泥之、惧其紕効也。

杜晦辭自南曹郎爲趙公隱從事於朱方、王郢之叛、趙相國以撫御失宜致仕、晦辭職時北門李相國在淮海、辟爲判官、晦辭以恩門休戚、辭不受命、退隱于陽羨別業、時論多之、永寧劉相國鎮淮南、又辟爲節度判官、方始應命、稍狂於美色、有父之遺風、赴淮南之召、路經常州、李瞻給事方爲群守、晦辭於祖席、忽顧樂營妓人朱娘言別、因掩袂大笑、瞻曰、此風聲賤人員外如

要、但言之、何用形迹、乃以步輦隨而遺之、晦辭自飲逴散、不及換便服、步歸舟中、以告其內子、內子性仁和、聞之、無難色、遂屢而迎之、其善於適願也如是。

龜直中紋名曰千里、其近首橫紋之第一級、左右有斜理、皆接於千里者、龜王之紋也、今取常龜驗之、莫有也、徐太尉彥若之赴廣南、將渡水、小海元隨軍將忽於淺瀨中得一小琉璃瓶子、大如嬰兒之拳、廣其內有一小龜子、長可一寸已來、旋轉其間、略無暫以、瓶子之頭極小、不知所入之由也、因取而藏之、其夕覺船一舷壓重、乃起視之、即有衆龜層疊就舡而上、其人大惧、以將涉海、虞致不虞、因取所藏之瓶子、祝而投于海中、衆龜遂

散而訪于海舡之胡人胡人曰此所謂龜寶也希世之靈物惜其遇而不能有益薄福人之不勝也苟或得而藏於家何慮宝之不豐哉胡客悅嘆不已

揚琢嘗語在淄青日見有一百姓家燕巢累年添接僅踰三尺其燕哺雛既飛忽一旦有諸野禽飛入庭除俄而漸衆棟之上棲息無空隙不復畏人厨人饋食於堂手中盤饌皆被衆禽搏撮莫可駭其家老人罔測灾祥顧之甚悶忽以杖擊破燕窠隨手有一白鳳雛長三寸以來自巢而墮未及於地即撒然出户望西南冲天而去諸禽亦應而散逝須臾而盡愚往歲宰字晉陵琢時為縣丞云皆目之所覩耳琢又云一家亦是燕窠中忽

然赤色光芒而隱隱有聲若鳴鼓地中日夜不絕夜後廂巡呵喝於外責其不戢燈燭既入其舍視之不見有火纔出門望之則有火焰亘天居旬日間人漸聲聞或聚衆其家老人惧偶拄杖探燕巢中即有一小赤龍子長尺餘墮下鱗甲炳煥老父驚灼連以裊褥藉之焚香禱謝未畢既而見一火龍長丈餘自簷而入光如烈炬爍人瞻視一家震駭竄伏稽顙龍徐徐擁其子入自寢室穴其屋驚天而去亦不損物然其一家不三數年皆隳敗焉

燈下閒談

二子載唐及五代異事

無姓氏

呂用之在維揚日佐渤海王擅政害人具載於妖亂志中中和

肆年秋有商人劉損挈家乘巨舡自江夏至揚州用之凡遇公
私來悉令偵覘行止劉妻裴氏有國色用之以陰事取其裴氏
劉下獄獻金百兩免罪雖脫非橫然亦憤惋因成詩三首曰寶
釵分股合無緣魚在深淵日在天得意紫鸞休舞鏡斷蹤青鳥
罷啣箋金盃倒覆難收水玉軫傾歌嬾續絃从此薜蘿山下遇
祇應將淚北流泉其二鸞辭舊伴知何止鳳得新梧想稱心紅
粉尚殘香暮暮白雲將散信沉沉已休磨琢

玉嬾更經

營買咲金顏作山頭似人石丈夫衣上淚痕深其三舊嘗遊處
徧尋看覩物傷情死一般買咲樓前花謝畫眉窓下月空殘雲
歸巫峽音容断路隔星河去住難莫道詩成無淚下淚如泉滴

亦湏乾詩成吟咏不輒因一日晚凭水窓見河街上一虬鬚老
叟行步迅疾骨鳧昂藏眸光射人彩色晶瑩如曳冰雪跳上舡
來揖損日子裏心有何不平之事梳鬪塞之氣損具對之曰叟
祇今便為取賢閣并室貨回即發不可更停於此也損察其意
必俠士也再拜而啓曰長者能報人間不平可不去蔓除根豈
更容姦黨叟曰呂用之屠割生民奪君愛室若令誅殛固不為
難實愆過已盈亦神人共怒祇候冥靈聚錄方合身首支離不
唯試及一身湏殃連七祖且為君取其妻室未敢逾越神明乃
入呂用之家化形於拱上叱曰呂用之替違君親特行妖孽以苛
害為志以惑亂律身仍於喘息之間更慕神仙之事冥官方錄其

過上帝即議行刑吾今錄爾形骸但先罪以劉氏之妻并其寶貨速還前人倘更恠色貪金必見頭隨兩落言訖鏗然不見所適用之驚懼遽起焚香再拜夜遣幹事并賞金及裴氏還劉損損不待明促舟解維虬鬚亦無踪跡矣

清尊錄一刁

宋廉布

字宣仲射澤人

政和初冀州客次中或言某官之家有異事語未畢而某官者至因自言某之妻生一男一女而死某既再娶矣一日亡妻忽空中有聲如小兒吹叫子狀三二日輒一至某問之曰君亦有形乎曰有之即見形如平生叙舊感泣然近人輒引去常相距十許步某因曰昔夫婦今忍不相親於是相與坐堂中某起執

其手則堅冷如冰鐵妻激然掣手去後五日乃復來愠曰前日遽驚我何邪某拜三謝之竟不可近久之後妻忽夢其先祖云汝夫前妻為恠乃陰府失收耳今已召捕且獲後數日果絕建炎初關陝交兵京西南路安撫使司檄諸郡凡民家畜三年以上糧者悉送官遣者以乏軍興論金州石泉縣民楊廣質鉅萬積粟支三十年因是恠恠得疾廣故豪橫兼并其鄉隣甚恠若之既病驚絕惡見人雖妻子不得見自隙窺之則時時掉稻藁藉累日所食數人乃死歛畢棺中忽有聲若槌塌者家人亟呼匠啟棺匠曰此非甦活殆必有怪忽啟便其子不忍啟之則一驢則一鳴其狀衣帽如蟬蛻然家繫之隙屋中一日其子

婦持草飼驢忽跳齧婦臂流血鹿麤暴忿怒取抹草刃刺之立死
廣妻遂訴縣稱婦殺翁縣遣修葺即王直臣往驗之備得其事
與元民有得闌遺小兒者育以為子數歲美姿首民夫婦計日
使女也教之歌舞獨不售數十萬錢耶婦曰固可詐為也因納
深屋中節其飲食膚髮腰步皆飾治之比年十二三媽然美女
子也携至城都教之新女又絕驚慧益閉之不使人見人以爲
奇貨里巷民求為妻不可曰此女當歸之貴人於是女僧及貴
遊好事者踵門一覲面輒避去猶得錢數千謂之看錢久之有
印縣通判者來成都一見心醉要其父必欲得之與至直七十
萬錢乃售既成券喜甚置酒與客飲使女歌侑酒半客去擁而

致之房男子也大驚遣人呼其父母則遁去不可蹤跡告官召
捕之亦卒不獲時張子公尹獨云

鄭州進士崔嗣復預貢入都城一會宿僧寺法堂上方睡忽有
連聲叱之者嗣復驚起視之則一物如鶴色蒼墨目炯炯如燈
鼓翅大呼甚厲嗣復皇恐避之廡下乃止明日詰僧對曰素無
此恠第旬日前有敢樞堂上者恐是耳嗣復至都下為開此一
僧言之僧曰藏經有之此新死屍氣所變號陰摩羅鬼死事王
碩夫侍郎說

狄氏者家故貴以色名動京師稍長所嫁亦貴家明艷絕世每
燈夕及西池春遊都城士女講集自諸王邸第及公侯戚里中

貴人家帝幕車馬相屬雖歌妹舞姬皆飾璫翠佩珠犀覽鏡顧影人人自謂傾國及狄氏至靚妝鄣扇亭亭獨出雖平時如悍自衛者皆羞伏至相忿詆輒曰若美如狄夫人邪乃敢凌我其名動一時如此然狄氏資姓貞淑遇族遊群飲澹如也有滕生者因此遊覩之駭暮喪魂魄歸悒悒不聊生訪狄氏所善厚者或曰尼燈惠與之習生尼厚遺之曰日往尼媿謝問故生日極知不可幸萬分一耳不能且死尼曰試言之生以狄氏告尼咲曰大難大難此可豈動邪且道其決不可狀生日然則有所好乎曰亦無有唯旬日前屬我求珠璣頗急生大喜曰可也即索馬馳去我懷大珠二囊示尼曰直一萬緡願以為萬緡歸之

尼曰其夫方便此豈能遽辭辨如許償邪生亟曰四五千緡不則千緡數百緡皆可又曰但可動不願一錢也尼乃持詣狄氏果大喜玩不已問湏直幾何尼以萬緡告狄氏驚曰是纔字直爾然我未聞辦柰何尼因屏人曰不必錢此一官欲祝事耳狄氏曰何事曰雪失官且夫人兄弟夫族皆可為也狄曰持去我除思之尼曰彼事急且投它人可復得也姑番之明旦來伺報遂辭去且以告生生益厚餉之尼明日復往狄氏曰豕為營之良豕尼曰事有難言者二萬緡物付一禿媪而客主不相聞使彼何以為信狄氏曰柰何尼曰夫人以設齋來院中使彼若解迨者可乎狄氏頰面搔首曰非有它但欲言雪官事使彼無疑耳

果不可亦不敢言也狄氏曰乃徐日後二日我亡兄忌日可往
然立語亟遣之尼曰固也尼歸及門生已死在詰之具道本末
拜之曰儀秦之辨不加於此矣期尼無齋具而匿生小室中具
酒穀候之脯時狄氏襍飾而至屏後者獨携一小侍兒見尼曰
其人來乎曰未也俱祝畢尼使童子主侍見引狄氏至小室奉
簾見生及飲具大驚欲避去生出拜狄氏答拜尼曰郎君欲以
一卮為夫人壽願勿辭生固形秀狄氏頗心動睇而嘆曰有事
弟言之尼因挽使坐生持酒勸之狄氏不能却為釀卮即自待
酒酬生生因徙坐擁狄氏曰我為子且死不意果得子擁之即
帟中狄氏亦謹然相得之晚也比夜散去猶徘徊顧生挈其手

曰非今日幾虛作一世人夜當與子會自是夜輒開垣門名生
無闕夕所以奉生者靡不至惟恐毫髮不當意也數月狄氏夫
歸生一小人也陰既已得狄氏不能棄重賄伺其夫與客坐遣
僕入白曰某官當以珠直二萬緡賣第中久未得直且訟于官
夫諤怡入詰狄氏語塞曰然夫督取還之生得珠復遣尼謝狄
氏曰我安信此迺貸于親戚以動子耳狄氏雖恚甚終不能忘
生夫輒出召與通逾年夫覺閑之嚴密狄氏竟以念生病死余
在太學時親見崇寧中有王生者貴家子也隨計至都下嘗薄
慕^著被酒至延秋坊過一小宅有女子甚美獨立于門徘徊徒倚
若有所待者生方注目忽有驕騎呵衛而至下馬於此宅女子

亦避去生匆匆遂行初不暇問其何姓氏也抵夜歸復過其門則寂然無人聲循牆而東數十步有隙地丈餘蓋其宅後也忽自內擲一瓦出拾視之有字云今夜於此相候生以牆上剝粉戲書瓦井云三更後宜出也復擲入焉因稍數十餘步伺之少頃男子至周視地上無所見微嘆而去既而三鼓月高霧合生亦倦睡欲歸矣忽墻門乾然而開一女子先出一老媪負笥徒後生遽就入乃適所見立於門首熟視生愕然曰非也回顧媪媪亦曰非也將復入生挽而劫之曰汝為女子而夜與人期至此我執汝詣官醜聲一出辱汝門戶我避居遇汝亦有前緣不若以我去女泣而從之生携歸逆旅匿小樓中女自言曹氏父

早死獨有已一女母鍾愛之為擇所歸女素悅怙之子某欲嫁之使乳媪達意於母母意次某無官弗以遂私約相奔墻下微嘆而去者當是也生既南宮不利延數月無歸意其父使人詢知頗知有女子偕處大怒促生歸局之書室女所膏甚厚太半為生費所餘與媪生食垂盡使人訪其母則以故亡女怫鬱而死久矣女不得已與媪謀下汴訪生所在時生侍父官閩中女至廣陵資盡不能進遂諱樂籍易姓名為蘇媛生游四方了不知安否數年自浙中召赴闕過廣陵女以倡侍熟識生生亦訝其似女屢目之酒半女捧觴勸不覺雙淚墮酒中生悽然曰汝何以至此女以本末告淚隨語生仕至尚書郎歷數郡生表弟

臨淮李從為余言

大桶張氏者以財雄長京師富人以錢委人權其子而取其半謂之行錢富人視行錢部曲也或過行錢之家設特位置酒婦人出勸主人反立侍富人遜謝強令坐再三乃敢就賓位張氏子年少父母死主家事未娶因祠州西灌口神婦過其行錢孫助家孫置酒數行其未嫁女出勸容色真絕矣張目之日我欲為婦孫皇恐不可且日我公家奴也奴為郎主丈夫人隣里咲恠張日不然煩主少錢物耳豈敢相僕隸也張固豪侈寄衣飾即取臂上古玉條脫與女且日擇日納幣也飲罷去孫隣里交來賀日有女為百萬主母矣其後張別議婚孫念勢不敵不

敢往問期而張亦恃醉戲言耳非實有意也逾年張婚他族而孫女不肯嫁其母日張已娶矣女不對而私日豈有信約如此而別娶乎其父乃復因張與娶妻祀神回并邀飲其家而使女窺之既去日汝見其有妻可嫁矣女語塞去房內蒙被卧俄頃即死父母哀慟乎其鄰鄭三者告之使治喪具鄭以送喪為業世所謂件作行者也且日小口死勿停喪即日穴壁出瘞之告鄭以致死之由鄭亦喪具見其臂古玉條脫鄭心利之迺日某有一固在州西孫謝之曰良便且厚相酬號泣不忍視急揮去即與親族往送其殯而歸夜半月明鄭發棺欲取條脫女履然起顧鄭日我何故在此亦有識鄭以言恐之曰汝父母不肯嫁

怒汝而念張氏苦辱其門戶使我生理汝於此我實不忍乃私發棺而汝來生女日弟送豕還家鄭曰君婦必死我亦得罪矣女不得已聽鄭匿它處以為妻完其殯而徙居州東鄭有母亦喜其子之有婦彼小人不暇究所以來也積數年每語及張氏猶忿恚歎往質問相約者鄭每勸且防閑之崇寧元年聖端大妃上仙鄭當從嬖御至未安得行祝其母勿令婦出遊居一日鄭母晝睡孫出儼馬直詣張氏門語其僕曰孫氏第幾女欲見某人其僕徃通張驚且怒謂僕戲已罵曰賤奴誰教汝如此對曰實有之乃與宜僕俱徃視焉孫見望見張跳踉而前曳其衣且哭且罵其僕以婦女不敢徃解張以為鬼也驚走女持之益

急乃臂其手手破血流推仆地立死歎焉者恐累已徃報鄭母母訴之有司因追鄭對獄具狀已而園後復土鄭叢塚罪該流以赦得原而張實傷女而殺之雜死罪也雖奏獲貸猶杖脊竟憂畏死獄中時吳拭顧道尹京云

建炎初劇盜張遇起江淮開所至噬螫魚噍類衆且數十萬其裨時將馬告者狀絕偉善用兵然頗仁慈每戒軍士勿妄殺人曰為盜脫飢寒耳得食則已柰何廣殺允虜獲士人及僧道輒條別善遇之有疾病視其起居飲食甚篤士卒得婦女以獻者置別室訪其親戚還之無婦所者擇配使嫁於是遇帳下譖之曰是收軍情者遇怒掃場歃斬之呼至數其罪嘻咲自若曰賊

殺賊豈須有罪邪何云云如是我死固分耳既就地坐瞑而合
爪視之死矣雖殘忍亦為变色左右至流涕古稱得道至人以
至佛菩薩多隱盜賊牢獄屠釣中以殺人如吉殆是耶

富韓公謝事居洛一日邵康節來謁公公不通客惟戒門者曰
邵先生來無早晚入報是曰公適病足卧小室延康節至卧床
前康節咲曰他客得至此耶公亦指康節所坐胡床曰病中心
怦怦雖兒子來立諾遣去設一胡床唯待君耳康節端顧左右
曰更取一胡床來公問故答曰曰正中當有一緣衣少年騎白
馬候公公雖病強見之公薨後此人當秉史筆記公事公素康
節神其言因戒閹人曰今日客至無貴賤立為通既午果覓祖

禹夢得未遂延入問勞稠疊且日老病即死念生平碌碌無足
言然粗懷朴忠他時筆削累君願少番意焚得皇恐巨測避席
謝後十餘年條裕陵實錄夢得竟為脩撰韓公傳此事

尹侍郎瞰說雷申錫者江西人紹興中一舉中幸省高等延
誠前三日客死都下捷音與訃踵至鄉里其妻日夜悲哭忽一
夕焚申錫如平生自言我往為大吏有功德於民故累世為士
大夫然嘗入死囚故地下罰我凡三世如意時暴死前一世仕
火連蹇後忽以要官占入都門而卒今復如此凡兩世矣要更
一世乃能償宿譴耳可以為治獄者之戒

右清尊錄廉宣仲布所撰凡七十三則或謂陸公務觀所作非

也蓋二公同時後人因族指耳至大改元三月華石山人識
右此錄實山陰陸務觀所記也前人誤以為廉宣仲紀述半村
俞則大亦承前誤余嘗讀王明清談麈錄有云近日陸務觀清
尊錄載紹興間老內行見林靈素于蜀道此最切看明清之文
銓字性之務觀曾携文謁之備見於老學菴續筆記中半村
之言似無所據元統甲戌端陽王東識

意林 六牙

○鬻子一卷

藝文志云名熊

昔文王見鬻子年九十文王曰嘻老矣鬻子曰若使臣捕虎逐
麋臣已笑坐策國事臣尚少

○太公金匱二卷

武王問五帝之戒可得聞乎太公曰黃帝云余在民上招搖恐
夕不至朝故金人三緘其口甚慎言語曰堯居民上振振如臨深
淵舜居民上兢兢如履薄冰禹居民上懷懷如恐不滿湯居民
上翼翼惧不敢息道自微而生禍自微而成慎終與死始完如
金城行必慮正無懷僥倖書履忍之須臾乃全汝軀書刀利皚皚
無為汝開書源泉滑滑連建早則絕取事有常賦歛有節

○太公六韜六卷

涓涓不塞將城江河兩葉不去將用斧柯熒熒不救炎日奈何
天下有粟賢者食之天下有民賢者牧之屈一人下伸萬人

上唯聖人能得之

貧窮忿怒欲決其意者名曰必死之士辯言巧辭善毀善譽者名曰間諜飛言之士

○曾子二身

君子愛日以學及時而成難者不避易者不從且受業夕自省可謂守業三十四無藝則無藝矣五十不以善聞則無聞矣鄙夫鄙婦相會於墻之陰可謂密矣明日或有知之故云孰仁與義莫不聞也

與君子遊如日之長加益不自知也與小人遊如履薄冰幾何而不行陷乎

○晏子八卷

君擇臣使之臣雖賤亦擇君事之

一心可以事百君百心不可以事一君

晏使子楚楚王令左右縛一人作盜者過王問何處人也對曰齊人也王視晏子齊國善盜乎晏子曰橘生江南江北則作枳地土使主事然也今民生長於齊下不盜入楚則盜臣不知也楚王自取斃耳

晏子使楚楚王以晏子短作小門於大門之側晏子曰往詣狗國從狗門入來使楚不可從狗門入也遂大門入

○子思子七身

父能食子不能使知味聖人能悅人不能使人必悅言而信信
在言前令而化化在令外聖人在上而遷其化
繁於樂者重於憂厚於義者薄於行

○孟子十四

蜀郡趙一卿作章句曰指事

○管子十八

倉廩實知禮節國多財遠者來衣食足知榮辱

一年之計莫若樹穀十年之計莫若樹木終身之計莫若樹人
堂上遠於百里有事十日而君不知堂上遠於千里有事一月
不知門庭遠於萬里有事暮年一聞蛟龍得水而神立人主得

民而威成海不辭水故能成大山不辭土故能成高主不厭人
故能成衆士不厭學故能成聖鳥合之衆初雖有情後必相吐
雖善不親也

農有需常業女有常事一農不耕民有飢者一女不織民有寒者
殺生之柄不制於主而在群下也此寄生之主

五穀民之司命黃金刀幣民之通鏡施

○道德經二

生而有不為而不得挫其銳解其紛和其光同其塵將欲喻之
必固將之將欲弱之必固強之將欲奪之必固與之是謂微明
矣

荀卿子十二卷

內腐出蟲木枯生蠹驕慢在身灾禍作矣

伯樂不可欺以馬君子不可欺以人與人善言煖若錦帛與人惡言深如矛戟

聖人無兩心天下無二道

川泉深而魚鼈歸之山林茂而禽獸歸之刑政平而百姓歸之禮義備而君子歸之淺不足與測深愚不足與謀智埽井之蛙不足以語東海之樂

歲不寒無以知松柏事不難無以知君子

妻子具而愛衰於親爵祿盈而忠衰於君唯愛及賢者不然

荀卿子名况齊宣王時人春申君再請作蘭陵令家因焉為李斯師

魯連子 五字

財者君之所輕死者士之所重君不能以所輕與士欲得士之所重不亦難乎百足之蟲斷而不蹶持之者衆也

白晝交前不救流矢急不暇緩也

文子 十二身周平王時人師老君

水濁則魚噉政苛則民亂上多欲則下多詐善游者必溺善騎者必墜

飢馬在廐寂然魚聲投筍其旁爭心乃生

濟溺者以金名石不如尺索

入水憎濡懷臭求芳不可得也

乳犬噬虎伏鷄搏狸

沿不能消木木匠不能斷水 往古來今謂之宙四方上下謂

之字

獸窮則觸鳥窮則啄人窮則訐詐

○鄧析子一弓

自見則明借人見則暗自聞則聰借人聞則聾一言而非駟馬不能追一言而急駟馬不能及

喜而便賞不必當功怒而便誅不必值罪

○范子十二弓並是陰陽歷數

計然者蔡丘濮上人辛姓名文字子其先晉國公子也少與明學

陰陽見微知著不肯自顯天下莫知故稱曰計然而遨遊海澤

名曰漁父

范蠡請見越王計然曰越王為人鳥喙不可同利也掩目別白黑時

時一中猶不知掩耳天道論陰陽有時談中耳

○胡非子一弓

負長劍赴榛薄折兕豹搏熊羅此徒獵人之勇也負長劍赴深泉

斬蛟龍搏龜此漁人之勇也登高徙危陟鵠立四望顏色不變此

陶岳之勇也剽必刺視必殺此五行之勇也齊桓公以魯為南

境魯憂之三日不食曹沫請繫頸以血濺桓公公懼不知所措
管仲乃勸與之盟曹沫匹夫之士布衣柔履之人一怒却萬乘
之師存千乘之國此君子之勇也

○墨子 十六弓

墨子見染絲而嘆曰染於蒼則蒼染於黃則黃非獨染絲然人
固亦有染舜染許由桀染子辛紂崇侯也

君子如鐘叩之則鳴不叩則不鳴美人處不出則爭求之行而
自衛人莫之娶

○纏子 一弓

纏子修墨氏之業以教於世儒有董無心者其言修而謬其行

偏而庸歌事纏子纏子曰文言華世不中利民傾危繳繞之辭者
並不為墨子所修勸善兼愛則墨子重之

○隨巢子 一弓

執無鬼者曰越蘭問隨巢子曰鬼神之智何如聖人曰聖人越
蘭曰治亂由人何謂鬼神耶隨巢子曰聖人生於天下未有所
資鬼神為四時八節以紀育人乘雲雨潤盛澤以繁長之皆鬼神
所能也豈不謂賢於聖人

○尸子 二十弓

鹿馳走無顧六馬不能生其塵望所以及者顧也

水積則生吞舟之魚土積則生豫章之木學積則生生焉虎豹

之駒未成文而有食牛之烝鴻鵠之鷺羽翼未合而有四海之心

○韓非子 二十号

二柄刑罰也虎所以能伏犬者牙音虎釋其爪牙則反於伏犬也韓昭侯醉甚而卧典冠見君寒如衣在上昭侯覺乃罪

典衣殺典冠收典衣失事以典冠侵官侵官甚於寒也故明王畜臣不得越官而有功不得陳言而無當越官則死不當則罪法度賞罰國之脂澤粉黛也

饑寒之春從弟不讓穰歲之秋踈客必食非踈骨肉多少之心異也

○列子 八号

天有所短地有所長聖人有所否物有所通男子不妻而感思女不夫而厚鬼者婦也婦其貞宅貞宅太虛也

晏子曰吾一死之後宜關我邪焚之亦可沈之亦可瘞之亦可露之亦可棄之溝壑亦可納之石椁亦可唯所遇耳

晉文公欲伐衛公子鋤咲之問其故對曰君咲臣隣人也有人送妻子歸家道見桑婦悅而與之言顧視其妻已有人招之公乃引師還未至而有伐其北鄙者

人有亡鉄者意隣子盜之視隣子行步顏色背音背將竊也俄而相其谷得鉄見鄰子無復竊鉄之容

誤空

齊人有欲得金者清旦衣冠往市遠見貨金者因攫奪而去吏捕問之對曰取金之時不見人但見金也

○莊子十弓

水之積也不厚則負大舟也無力

至人無已神人無功聖人無名

大智閑閑小智間間其寐也魂交其覺也形開

道惡乎隱而有真偽言惡乎隱而有是非。可乎不可乎不

可吾生也有涯而死也無涯以有涯隨無涯殆已

山木自寇也膏火自煎也桂可食故伐氏之漆可用故割之。人

皆知有用之用而莫知無用之用。人不忘其忘而忘其所不

忘此謂忘誠至道之精杳杳冥冥至道之極昏昏默默

我悲人之自喪者又吾悲夫悲人者吾又悲夫悲人之悲者

○鷓冠子三弓

鳥雀之巢可俯而窺麋鹿而居可招而係此在上者有慈心

扁鵲兄弟三人並鑿魏文俠侯問曰子三人其孰最善扁鵲鍼人

血脉投人毒藥故名聞諸侯

○王孫子一弓

衛公重喪累角見負薪者而屢哭之問曰何故對曰雪下衣薄

故失薪衛公顏色大惧乃開府金出倉粟以賑貧窮吾恐鄰國

貪養賢者以勝吾也

○申子 三弓名不害

妬妻不難破家亂臣不難破國一妻擅夫衆妻皆亂一臣專君衆臣皆蔽

智均不相使力均不相勝 ○鼓不預五音是為五音主

○慎子 十二弓名到

小人食於力君子食於道 ○兩貴不相視兩賤不相使

家富則宗族聚家貧則兄弟離非不相愛利不足相容也

不聰不明不能王不聾不聾不能公海與山爭水海必得之

有權衡者不可欺以輕重有尺寸者不可欺以短長有法度者

不可巧以詐偽

一兔走者百人追積兔於市過而不顧非不欲兔分定不可爭也

孝子不生慈父之家忠臣不生聖君之下六親不和有孝慈國

昏亂有忠臣

匠人成棺不憎人死利之所在忘其醜

○燕丹子 三弓

丈夫歆於愛恥真女羞於節虧

血勇怒而面赤脉勇怒而面青骨勇怒而面白

○鬼谷子 五弓

抱薪赴火燥者先燃平地注水濕者必先濡此類相應也 ○智
者不用其所短而用愚人之所長不用其所拙握而用愚人之所工也

○尹文子 三身

兩智不能相使兩貴不能相臨兩辯不能相握屈力均勢敵故也
專用聰明則功不成專用晦昧則事必數一明一晦衆之所載
祿薄者不可與經亂賞輕者不可與人難取取上者不可以不慎
人家字長子曰盜少子曰歐盜出行其父在後追而呼之曰盜
盜吏聞因而縛之其父呼歐喻吏遽而聲不轉但云歐歐吏因
歐之幾至於死

○公孫文子 一身

樂者先王所以飾喜也軍旅者先王所以飾怒也舟從流於河
而無維楫求安不可得也

○陸賈新書 二身

陽出雷震陰出霜雪善言古者合之於今能述遠者考之於近
道為智者設焉為御者官賢為聖者用辨為智者通
秦以刑罰為巢故有覆巢破卵之患

文公種米曾子牧羊智者所短不如愚者所長

○晁錯新書 三身

呂后專制社稷不傾若髮漢書云如帶公羊云如縷善為政者
士實於野牛馬實於陸鳥獸實於林上及飛鳥下及蟲魚載之
於地包之如海陛下之地東西盡冠蓋之民南北極寒暑之和
甸奴不得當一縣號令不時名曰傷天焚林斬木不時命曰傷

地斷獄立刑不當命曰傷人

賈誼新書寒者利短褐飢者甘糟糠

主之與臣若日與星貴之與賤若白與黑與正人居不能無正人也猶生於楚不能無楚語

志有四典朝廷之志清以嚴祭祀之志思以和軍旅之志精以厲喪紀之志憂以愁言有四術敬以正朝廷之言和以序祭祀之言併聲氣軍旅之言悲不足喪紀之言

○呂氏春秋二十二弓不常

靡曼皓齒鄭衛之音伐命之斧肥肉厚酒闌勝之食雷則掩耳電則掩目耳聞所思思不如不聞目見所惡惡不如不見

強令之笑則不樂強令之哭則不悲

流水不腐戶樞不蠹動也形氣亦然水泉東流日夜不休上不竭下不滿戎人生乎楚楚人生乎戎則楚人戎言戎人楚言亡國之主則可化成賢主也

櫻桃桃之為鳥所含故曰含桃。勇凶德兵凶器所水出於山而歸於東海非惡山而欲海高下使然也

周文王使人相地得枯骨冷以衣冠葬之天下聞之曰文王賢矣澤及於枯骨

石可破不可奪堅丹可磨不可奪赤性受於天也齊人好勇者其一人居東郭一人居西郭幸而相遇飲酒曰酒須肉乎各抽

刀自割相啖遂至於死決積水於千仞之溪誰能當乎
涸水有大富人溺者有人得富者屍請贖而求金甚多富人
黨以告鄧析析曰但安之必無買此者得屍者患其不
續又告鄧析析曰但安之必無人更賣又必無不贖
引其紀萬目起引其綱萬目張治民如此也
冠所以飾頭衣所以飾身今人斷首以易冠殺身以易衣則不
知所為矣世之趨利似此亦不知所為也黃帝之貴亦死堯舜
之賢亦死孟賁之勇亦死
得十良馬不如得一伯樂得十良劍不如得一歐冶得地千
里不如得一賢人

○淮南子 二十一 身

以湯沃沸亂乃愈甚猶鞭噬犬捶羸馬而欲教之雖伊尹造父
不能化

越舫蜀艇不能無水而浮鳥號弓溪子弩不能無弦而射。乞
火不若取燧寄汲不如鑿井

多欲虧義多憂害智多惧妨勇
生有七尺之形死為一棺之土安知喜憎利害耳

天地雖大可以長短知之星月之行可以律曆知之
風集而波興木茂而鳥集相生之勢

鳥寤則啄獸寤則觸人寤則詐

聖人之道若中衢置樽過者斟酌雖多少不同而各得其宜也
○戴衰者聞歌而泣戴樂者聞哭而笑強哭者雖戚不衰強歡
者雖笑不樂

溜水足以溢壺榼江湖不能滿漏卮

湯沐具而鸚鵡相吊大厦成而燕雀相賀

舟覆乃見善游憂馬奔乃見良馭

○鹽鉄論十身栢寬

茂林之下無豐草大塊之間無美苗

善歌者使人續其聲善作者使人治紹其功

有粟而不能食無益於飢觀難賢而不能用其利無益於利削歌者不期

於利聲而貴於申節論者不期於麗辭而務在事實

○說苑二十身劉向

禹見罪人下車而泣左右曰此人不恭故得罪君王何痛之禹

曰堯民以堯為心今百姓各以其心為心故痛之

楚莊王賜群臣酒燭滅有引美人衣者美人援絕其纓告王王

曰賜人酒醉乃顯婦人之節吾不取也乃命左右勿上火凡與

寡人飲不絕纓者不盡歡也群臣偏絕纓而後舉火後與晉戰

引美人衣者五吾合以報莊王

○法言十五身揚雄

詩人賦麗以則賦人之賦麗以媿若孔子之門而有賦則賈誼

升堂相如入室矣

天可度則覆物淺矣也可測則載物薄矣

說天者莫辨乎易說地者莫辨乎書說體者莫辨乎詩說理

禮說志者莫辨乎

者莫辨乎春秋

○太玄經十弓揚雜

君子得位得則昌失位得則良小人得位而橫失位則喪

○新論十七弓栢譚

明鏡龜策也章程城斛斗也銓衡丈尺也

畫水鏤冰與時消釋

龍魚尺水無以昇天聖人無尺土無以王天下

舉網以網千目皆張振裘持領萬毛自順整治大國者亦當如

此

○論衡二十七弓王充

清受虛白受垢青繩所污常在練素

邑犬群吠吠所恠也

蟲墮一器酒棄不飲鼠踐一筐飯損不食

蚊蟲不如牛馬之力馬困於蚊蟲有勢也

十圍之牛為牧豎所驅數仞之象為越僮所鈎無便也人在天

地之間如蚤蟲在衣裳之內若螻蟻於巢穴之中聖前人前知千

歲後知萬世孔子將死遺書曰有一男子自云秦皇上我之狀林

顛倒我衣裳自沙丘而亡後秦皇至沙丘而果亡孔子又云董仲舒亂我書後仲舒論春秋著傳記又云亡秦者胡後胡亥亡秦此後知孔子萬世也吹律自知殷此孔子前知千歲也

○正論 五身崔元始

舉彌天之網以羅海內之士同類翕集而蛾附計士頓踈而脅從黨成於下而君孤於上無賞罰之君而欲治世猶不梳櫛而求髮得不可得也

○潛夫論 十卷王符字節信

昆弟世疎朋友世親此人情也富貴人爭附之貧賤人爭去之與富貴交者上有稱舉之用下有貸財之益與貧賤交者上有

賑貸之費下有假借之損

○風俗通 三十一身應邵三國時人

俗說有功得賜金者皆黃金也按子孫兵書曰費千金千萬金百錢也陳平諫楚千金贈二踈金五十斤並黃金也或云一金亦是一萬錢也

禮云十人曰丈成人之長也夫者膚也言其智膚敏弘教也故曰丈夫論語云匹夫匹婦傳言一晝一夜成一日一男一女成一室按士人男女作衣用二疋今人單衣故言匹夫

禮云簡不肖按生人鄙陋不似夫父母曰不肖今人謙辭亦曰不肖

○商君書 四身

以強去弱者弱以弱去強者強

上世之士衣不煖膚食不滿腹若其心意勞其四肢蠹衆則木折隙大則墻壞勝而生者不敗而亡自古及今未之有也使見戰如餓狼之見肉則可用矣

○阮子 四身

不樹者死魚棺不蠶者身無帛不績者身無縵君子暇豫則思義小人暇豫則邪

高鳥相木而集智士擇土而翔

○正部 十身

皎皎練絲得藍則青得丹則赤得藥則黃得淄則黑玉不琢則

南山之石

○士緯 十身 姚信

絲俱生於蠶銅等出於石作繒則賤作錦則貴鑄鈴則小鑄鐘則大

○通語 八身

輪者車之跡楫者舟之羽身者須道如此二物毀彼者雷同而鴉噪稱此者火燎而波駭

○抱朴子 四十身 葛洪 丹陽句容人

清醪芳醴亂性者也紅華素質伐命者也

班狄不能削石作芒鉞歐冶不能鑄鉛錫作干將

素顏紅膚惑其目清高流微亂其聰此真理之得也

寸涌滄泛濫跡水之中則謂天下無四海之廣芒蝎宛轉果核之

內則謂天下無八極之大

貴明珠而賤淵潭愛和璧而惡荆山而不知淵潭是明珠所出

荆山是和璧所生

大厦既燒取水於滄海洪潦凌空伐舟於長川則不及矣。高

岩將殞非細縷所綴龍門拂騰非掬壤所過

劍戟不長於縫緝可以割牛馬割雖鑽不可割割牛馬而長於縫

緝材有大小不可棄也

仁者政之脂粉刑者世之轡策當殺不殺大賊乃發鑽端之火

口水可滅鵠卵未語指掌可糜及其乘衝飈燎巨野奮六翮凌

朝霞雖勇智不可能制也。委轡策而乘奔馬於險途捨施櫓而

泛輕舟於江海豈不險哉

識珍者必拾濯水之明珠賞氣者必將穢藪之芳蕙自非鑒懸

誰能披塊泥抽論玉澄川綴泥泥珠

闔者魚情不得謂貞娼獨不飲不可謂廉

盈文文之尾必非咫尺之軀尋伺之牙必非膚寸之口

○周生烈子五牙字文逸張角之後天下潰亂故著此書

御馬失節其車碎御天下失節四海是墜

理天綱伏八柄運元氣撮衆有者天子也撫人芒恭天意者三公也執分節事脩理者士也

臨死修善於計已晚事迫乃歸於救已微

有堦者易成基無因者難成時

鳩傳隼翼羔披豹皮類質似違表是裏非

○荀悅申鑒五身

善禁者先禁身而後人不善禁者先禁人而後身君子有三鑒

鑒乎前鑒乎人鑒乎鏡競

○仲長昌言十身

同於我者何必有愛異於我者何必有憎

婦人有朝適良人暮適它土涉歷百庭顏色不愧今公侯之宮

美女數百卿士之家侍妾數十以醇酒淋其骨髓夜則以

房室輸其血氣

○典論五身魏文帝第一仲作

法者主之柄吏者民之命法欲簡而明吏欲公而平詩刺豔妻

書戒晨婦司隸馮方女有國色避亂揚州袁術登城見而悅之

遂取焉甚寵之諸婦教之曰將軍貴人重其志節宜數涕泣示

憂愁也若如此必加重馮氏後每見術垂泣術果以謂有心益寵

之諸婦乃共絞殺縣之於廁言其哀怨自殺術以其不得志而

死厚殯殮袁紹妻劉氏甚妬忌紹死未殯劉氏殺其妾五人恐

死者有知復能寵之乃髡頭黑面以毀其形。君子表不隱裏
明暗同度

鏡照醜好而人不怨法明善惡而人不恨
昔窮富貴之梯階

○人物志 三弓劉郡

草木精秀者英獸之投群者雄張良是英韓信是雄

○任子 十弓名妻

一人之智不如衆人之愚一目之察不如衆目之明

生於治長於治知世之所以治者君子也生於亂長於亂知世
之所以亂者君子也莫不知治亂之所因者凡民也天之圓也

不中規地之方也不中矩

水可乾而不可奪濕火可滅而不可奪熱金可柔而不可奪重石

可破而不可奪堅

木氣人勇金氣人剛火氣人強而燥土氣人智而寬水氣人急
而賊

神龍不處鮑罟之水鳳凰不翔蔚羅之鄉賢人不入危國智者
不輔亂君

○篤論四卷 杜恕字務伯魏杜畿字

水性勝火分之以釜甑則火強而水弱人性勝志分之以利欲
則志強而性弱

○體論四牙杜怒

夫人軀猶土也萬物載焉而不辭其重水瀆汚焉而不辭其下
草木植焉而不有其功

○傅子一百二十身

人之學如渴而飲河海大飲則大盈小飲則小飲盈大觀則大見
小觀則小見

縣千金於井人不敢取者分定也委一錢於路童兒爭之者未定
也

伊尹耕於有莘孰知非夏之野人呂尚釣於渭濱孰知非殷之
漁者遇湯武文王然後知其非也

見虎一毛不知其斑

青與赤謂之文赤與白謂之章白與黑謂之黼黑與青謂之黻

五綵謂之繡

必得昆山之玉而後宝則荆璞無地夜光之美必須南國之珠而

後珠則墮隋珠無明月之珠

土不可作鉄而不可以作瓦

豈有太乙之君坐於度人之座魁罡之神存於匹夫之室。積
薪若山縱火其下火未及然一盃之水尚可滅也及至火猛風

起雖傾河海不能救也

○唐子十身名滂字惠潤
生吳太元二年

舟循川則遊速入順路則不迷

大木百尋根積深也蒼海萬仞衆流成也淵智洞達累學之功也

禍福相轉利害相生如循環而運凡耳其乘兆不可見其端不可覺

○秦子 二身

欲顯白於雪中馳光於日下不可得也

因斧以得柯因柯以成用種一粟則千萬之粟滋種一仁則衆行之美備也

針雖小入水則沉毛雖大入性水則浮性自然也

○梅子

一身按其書晉人也

伊尹呂望傳說箕子夷狄齊柳惠顏淵莊周既籍易地而居能行而不能行也阮籍孝盡其親忠不忘君明不遺身智不預事愚不亂治自莊周以來命世大賢其惟阮先生乎

○物理論

十六身

欲定天下而任小人者猶欲捕麋鹿而張兔罝不可得也。忿蟲楚衣其損多矣忿爨之熱推甌而棄之損亦多矣

○太元經

十四身梁國楊泉字德淵

強梁者亡掘強者折大健者收大利者闕激氣成風湧氣成雨濁霧成雪清露成霜

○化清經 十号

將飛者翼代將奮者足跼將噬者爪縮將言者口默將文者且
朴

○鄒子 一号

欲知其人視其朋友羨藜在田良苗無所措其根佞邪在朝忠
直無所容其身

寡門不入不入宿臨甑不取塵避媯也

○成敗志

三号孫毓字仲

水性雖能流不專則不通人性雖能智不教則不達

○古今通經

三号王嬰

倉頡造書形立謂之文聲具謂之字字者取華其乳相生在於
竹帛謂之書

○中論

六号徐偉長

登高而見旗則所示者廣順風而奮鐸則所聞者遠非旌色益
明鐸聲遠長者托得地而况富貴旌政令乎

良農不患疆場之不修而患風雨之不節君子不患道德之不
建而患其時之不至

馬必待乘而後致遠醫必待使而後愈疾賢者待用而後興理

○萬機論

八号蔣濟

甲作乙婦丙來殺乙而甲不知沒甲遂嫁與丙作妻生二子丙

乃語甲申因而醉殺之並害二子於義剛烈則寬死否答者云
女子潔行專一不以鼓刀稱義今又改嫁已絕先夫之恩親害
胞胎又無慈母之道也

○法訓 八身 各用

公人好人之公私人好人之私

念已之短好人之長近人也

有財不濟交非有才也有位不舉能非有位也

相憎者能生無辜者之毀相愛者能飾無實之善

君子好聞過而無過小人惡聞過而有過

○新言

二身吳太常 顧談字默造

刑者小人之防禮者君子之檢佞人之人燃膏莫見其消也

○鍾子薦菟五經 士季

珪玉棄於糞土鉛錫列於和肆觀者以鉛錫是真珪璧是偽。

膠之與漆合不而不離煙之與水離而不合

○輿論 十身 陸景

榮辱所以化君子賞罰所以禦小人受金行穢非真士之操皆
主事讐非忠臣之節唯高帝用陳平齊桓用管仲耳拘烏獲之
才雖銖兩不能勝掩離妻之目雖崇岱不能觀絆騶驥之足雖
武步不能發斷鴻鵠之翮雖尋常不能奮

○默記

三身吳大鴻張儼字子節

堯舜不化朱鈞使為善瞽叟不染重華使行惡

○新言 五身裴玄

鷲鳥之擊必俛其首猛獸之攫必匿其爪虎豹不外其身噬犬不見其齒故用兵者示之以柔迎之以剛見之以弱乘之以強
○鳥鳶之卵不毀則鳳凰至誹謗之言不誅則忠言達○千里之隄以蝼蟻之穴漏百村之屋以突隙之烟焚

○正書 二十五身袁准

交接廣而信衰於友爵祿厚而忠衰於君

曾子妻將遠市見隨啼謂兒曰吾還與汝殺犬妻還曾子援弓將射犬妻曰向與兒戲手曾子曰教化治於童昏若欺之何以

訓邪

○正論 十九身名煥字權卿

鵠抱鼠而仰號恐鴛鴦之奪也

○蘇子 十八身名淳魏人也

蘭以芳致燒膏以肥見炳翠羽以殃身蚌以珠破腹女惡蛾眉士惡多已由來尚矣

周之蔡管秦之趙高其惡無比吾欲比之狗馬狗馬能致遠伏狩吾欲比之虎豹虎豹則君子愛其文章吾欲比之則療偏枯之疾吾欲比之鳩鳥又能去公子牙而安魯國惟有青繩食鼠覆國殘家可比

疑有脫字

○世要世十身相範字元則魏大司農

加脂粉則嫫母進加不潔則西施屏今學亦如此學之脂粉亦厚矣

伐一樹除一苗猶先看可伐而除之况害人而不詳審也。遇不遇命也善不善人也君子能循善而未必遇小人不能善未必不遇

中才之人智隨年長事以學增故年長則智廣智廣則見博

○陸子十身名雲字士龍晉人

水則有波釣則有磨我欲更之無如之何物動而壘已彰形行而迹已朕絃在木而音和絲在繡而服美神觸物而櫬駭情遭

變而思易

○新論十身夏侯湛字孝若百散騎常侍

瓜生於肉去瓜而肉不知髮生於皮去髮而皮不知萬物之於天地同瓜髮之在身體皆統於神明不可亂也擇才而官之則明主不畜不肖之臣擇主而事之則君子不事昏闇之主

○折言十身張顯

枕仁義作虎庫食道德則黎棗古言有人君子不稽古無以承天臣不稽古無以事君始皇李斯是也

○幽求子二十身杜夷字楷晉國子祭酒

凡人既飽而後輕食既煖而後輕之衣夫臨觸念感則昔酒失甘

對饗思哀則嘉餽易味

表以嚴霜見愛葛以當暑見親

從山林視朝廷猶飛鴻之與鷄鶩

玉以石辨白以黑昭故醜好相昭

獵者者肉不多於獵者及其凌崗出超溪壑而有遺身之志耳

○ 干子 十有石 實字 令升

執杓而飲河者不過滿腹棄室而洒雨者不過濡身

勢弱於已則虎步而陵之勢強於已則鼠行而事之此姦雄之

才也

○ 新論 十有夏 羣字 令息 仕 晉

千雲之枝不育於丘蛭堙之顛徑寸之珠不產於滄汙之渚

○ 志林 二十四 牙 康 達

東海之漁墜一鱗崑崙之木墜一葉聖人皆能知之

○ 孫子 十二 牙 名 綽 字典 公 仕 晉

教之治性猶藥之治病疾若倒懸而求藥於崑崙之山是身後也

大光明乎天燈燭何施焉時雨濡乎地溉灌何用焉

朱門之家鬼守其闕多藏之室人窺其墻

○ 義訓 十有 多 夷

衣煨而忘百姓之寒食美而忘天下之飢非仁也假天下之目

以視則四海毫末可見借六合之耳以聽則八表之音可聞
國無道而尸大位可恥也國有道而有抱關擊柝亦可恥也
遊女見人悅之則自謂逾於西施桀紂見人尊之則自謂過於
禹湯

登高使人意遠臨深使人志清

○諸葛子一身

縱盜飲酒非剪惡之法絕纓之賜非防邪之萌

○要言十四身

食穀鄙田衣帛咲蚕豈不惑邪

○符子

十身華軍字令息仕晉
二十身各節

水生於石未有居山而弱者火生於木未有抱木而焦者

○神農本草六身

稽首再拜問於大一小子曰白鑿井出泉五味煎煮口別生熟
後乃食咀男女異利子識其父問太古之時人壽過百無殖落
之咎獨何氣使然邪大一小子曰天有九門中道最良日月行
之名曰國皇字曰老人出見南方長生不死衆耀同光神農乃
從其嘗藥以救人命

相牛經一身寧威

相馬經二身百樂

相鶴一身浮丘公

○司馬兵法三身攘道

國雖大好戰必亡天下雖平忘戰亦危古者國容不入軍軍容

不入國國容入軍則軍亂軍容入國則國亂从命上賞犯令上戮

○孫子兵法 二身

黃石公記 三身

與衆好生者靡不成與衆同惡者靡不傾

四民用虛國家無儲四民用足國家安樂

記勝之書 二身

相具經 二身 琴高

○淮南萬畢術 一身

首澤浮鍼取頭中垢塞針孔置水中則浮
燒角入山則虎豹自遠惡其臭也

取大鏡高懸置水盆於其下則見四隣矣

取沸湯置篋中密以新繻沉中三日成水

取鴻毛繻囊貯之可以渡江不溺

馬好鬻人取彊蚕塗其上唇即差

取門東赤黍漬以狐血陰乾之欲飲酒者取一丸置舌下以酒
吞之令人不醉

博物志

十一身 張華字茂先

竹譜

一 身 戴海之

○筆墨法 一 身 常仲將

筆用羊青作心名曰羊柱以兔毫衣羊青使中心高並去其穢
毛使不鬻茹也

○新序 三十身

五教

五 身 譙周

周髀 一

夢書

九章算術 一

說郭卷第十一

說郭卷第十二

悅生隨抄 一百

宋賈似道

度宗相號
半閑道人

余老來觀書輒多遺忘暇日隨所披悅約而筆之寢盈編帙因
釐為百卷題曰悅生隨抄起自國史傳以稗官小說而六經諸
史不及也蓋經既熟於誦說正史又廣於流傳獨金遺石室之
藏世不多見比歲叨典史局遂得悉累朝之制度典章諸臣之
論議風節纂紀一二專用自娛乃若百家之說雖小道必有可
觀者焉然大槩非稍新於衆目則深會於余心去取之間此其

義也至於清談雅譎又所不廢譬之端坐燕席而優伶時一雜

進聊以取微中之一捷捷云半閒老人書

田景咸性鄙吝所至聚斂為務家財累鉅萬未嘗輒有施與每

使命至惟設肉一器賓主共食之後罷鎮常怱怱不樂妻識其

意引景咸徧閱囊儲景咸乃歡然自釋在邢州日供奉官王班

者奉使至郡景咸勸班酒日王班請滿飲典客遽白此使者姓

名也景咸始悟日何不素教我豕我謂王班是官爾聞者皆笑之

吳處裕性簡率發言多輕肆名金吾上將軍王彥超告老得休

致處裕嘗語人日我縱僵仆殿階斷不學王彥超七十便致仕

人傳以為笑吳處裕傳張藏英涿州范陽人自言唐相嘉正之

後唐末之亂也藏英舉族數十口悉為賊孫居道所害時藏英
年十六僅以身免後逢孫居道於幽州市引佩刀刺之不死為
吏所執節師趙德鈞壯之捨而不問以備牙職藏英後聞居道
避地關南乃求為關南都巡檢使至則微服携鐵搥匿孫居道
舍側伺其出擊仆之於地齧其耳噉之遂擒歸設父母位陳酒
殺縛孫居道於前數其罪號泣以鞭之腐其肉經三日剖取其
心肝祭即詣官首服官為上請而釋之燕薊間目為報讐張孝
子

張藏英傳

年思進有膂力常以彊弩弓繼於耳以手極前張之令

滿又負壁而立令力士二人撮其亂曳之不動軍中咸異之年

思進傳

